

詩

問

詩問卷七

棲霞隱書堂原本

孫男聯

蓀聯芳校字

曾孫男國

輔國

同校字

頌

周頌

於穆清廟肅雝顯相濟濟多士秉文之德對越在天駿奔走在廟不顯不承無射於人斯

穆深也清靜也越於也言於哉此穆清之廟其在廟中者允顯之辟公美盛之多士皆能肅敬雝和執行文王之德其神在天則仰對之其主在廟則駿奔之

若文之德不顯則人亦不承之矣今承之人無有厭射於斯者是其顯也

清廟一章八句

清廟序云祀文王也周公成洛邑成王至朝諸侯因率以祀文王洛誥云王肇稱殷禮祀于新邑予齊百工併從王子周大傳云周公升歌清廟苟在廟中嘗見文王者愀然如復見文王焉維天之命於穆不已於乎不顯文王之德之純假以溢我我其收之駿惠我文王曾孫篤之

假大也溢滿也收斂也曾孫穆王也言天道穆然深遠動而已文王潛光不耀其德至純聖同天也天以大命盈溢我文王我文王愈收斂之德純如此後王當大順其德益篤厚之賢希聖也瑞玉曰文王篤周祜曾孫篤文王

維天之命一章八句

維天之命序云太平告文王也文王受命未終成王周公致太平由文王之德致之故告廟焉孟仲子云大哉天命之無極而美周之禮也愚

按周公成洛邑在居攝五年制禮作樂在六年
本鄭箋頌聲作

維清緝熙文王之典肇禋迄用有成維周之禎

言武王克殷天下清矣然非始武王也其所繼續光明乃是文王之法爾自有天下以來始禋祀至於今用有成此典常在實我周之禎祥致太平之本也

維清一章五句

維清序云奏象舞也象者文舞舞時堂上歌其舞曲以爲節升歌清廟象德也下管象示事也

君子上德而下功也季札觀樂見舞象箭南籥

者其是乎

按箋云象舞象用兵時刺伐之舞則是武舞矣曹氏云說者謂以竿擊人

說愚所未詳

烈文辟公錫茲祉福惠我無疆子孫保之無封靡于爾邦維王其崇之念茲戎功繼序其皇之無競維人四方其訓之不顯維德百辟其刑之於乎前王不忘

封大也瑞玉曰競爭也余曰言有先烈文德之諸侯我先王文武錫以今茲祉福其愛我等無窮意欲令子孫保守之當仰體文武此意小心謹慎無大侈靡

于爾邦維王其尊崇之當常念此佐定天下之戎功
兢業持守令子孫繼序光大之又與四鄰交當須居
己謙下無爭於人四方其訓道之盛德不顯於外百
辟其型法之因歎美言前王文武汝當永念不忘能
念文武則思保戎功矣瑞玉曰烈文辟公似謂先王
先公宗廟之中卑統於尊故稱公其戶亦稱公戶也
我我成王及諸侯無封廟于爾邦富不淫也無競維
人貴不驕也列侯功臣多驕淫

烈文一章十三句

烈文序云成王卽政諸侯助祭也周初諸侯多
佐先王定天下爲後世尤美稱其戎功塞其違
德因以爲戒爾禮賓三獻尸之後主人酌酒獻
賓歌烈文

天作高山大王荒之彼作矣文王康之彼岨矣岐有夷
之行子孫保之

彼作矣彼岨矣皆三字句彼謂民也言天作岐山本
由大王荒治之彼民築作宮室而居矣乃自文王康
定之彼民皆往來於此矣岐山遂成平易之大道創

業艱難我子孫其世守之

天作一章七句

天作序云祀先王先公也或云祀岐山也帝遷明德省其山王迹之興由大王受命康功爰自文王易云王用享于岐山是謂也瑞玉曰謂祀大王則下衍文王云祀先王卽不見王季此可疑

昊天有成命二后受之成王不敢康夙夜基命宥密於緝熙單厥心肆其靖之

二后文武也有寬也密靜也言周世世修德昊天已有成命至文武受之而有天下命雖大定然成王不敢卽安早夜之間敬德基命於寬宏靜謐之中又歎美言於哉學有緝熙單文祖德盡其心矣肆靖天下繼寧考功可謂成矣故謐之成王謐之爲言慎也悉也行之迹也

昊天有成命一章七句

昊天有成命議謐也成王有繼二后之德致太平之功臣子見於南郊而議謐稱天以諱之謐

之成王爾叔向云此道成王之德也成王能明文昭定武烈者也

我將我享維羊維牛維天其右之儀式刑文王之典日靖四方伊嘏文王旣右饗之我其夙夜畏天之威于時保之

羊以實柴牛以供饌先柴後獻故羊先於牛右尊也神東向居饌右所以尊之儀善也言我有所將而奉者維羊有所享而獻者維牛天庶其降而右之乎不敢必饗也祀天配以文王故言文王之典我善之法

之奉爲型以日靖四方天嘏文王因嘏我旣來在右
饗之矣親之故信之也又言天雖錫福亦降威我當
夙夜畏天威以保此石饗之嘏余問畏威稱天何不
及文王瑞玉曰文王親也

我將一章十句

我將序云祀文王於明堂也萬物成形於天人
成形於父季秋饗帝明堂祀以配焉爾

時邁其邦昊天其子之寶右序有周薄言震之莫不震
疊懷柔百神及河喬嶽允王維后明昭有周式序在位

載戢干戈載橐弓矢我求懿德肆于時夏允王保之
瑞玉曰言以時巡行邦國是乃昊天之子也君天下
曰天子余曰此燔柴祀天也故言天寶尊次有周於
諸侯上人心玩則無震六飛親臨甫震動之則已莫
不悚懼既先柴遂望秩以禮懷安百神及河嶽人神
受職信乎王爲天下君也禮神旣畢遂覲羣后故言
昭明乎有周也考其法式次其功罪以黜陟在位之
諸侯天下咸服兵不復用廣求美德陳布於中國信
乎王能保安天下也余問懿德何言求瑞玉曰天子

巡守陳詩納賈就見百年皆欲旁求文德布之方國爾

時邁一章十五句

時邁序云巡守告祭柴望也古注皆爲武王時詩逸齋范氏云時邁與般二詩當繫之成王按韓詩薛君章句云壘應也美成王能奮舒文武之道而行之則天下無不動而應其政教箋云巡行至於方岳之下而封禪於經爲誣於傳爲衍徒歛人主侈大之心漢儒之陋也

執競武王無競維烈不顯成康上帝是皇自彼成康奄

有四方斤斤其明鐘鼓喤喤磬筦將將降福穰穰降福
簡簡威儀反反旣醉旣飽福祿來反

言能執持彊道者維武王故其功烈莫彊焉豈不顯
其德乎成王康王亦上帝所君也武王雖定天下未
能靖之自成康致太平始同有四方禮樂脩舉其明
斤斤然喤喤和也將將集也穰穰眾也簡簡大也旣
道成康之德如此故今祭之樂音和集神降之福又
言降福雖大威儀愈益詳審至於祭末人旣醉飽禮
無違者是以福祿之來反復不窮余問斤斤瑞玉曰

君德莫要於明斤斤明察而小與文武異也

執競一章十四句

執競肅康王也康王肅於武王廟何氏云祭成
康也祖禡日祭曾高月祀成於昭爲祖康於昭
爲禡每日上食時歌之非大祭祀樂止用鐘鼓
磬笙四者卽詩所稱鐘鼓磬筦也

思文后稷克配彼天立我烝民莫匪爾極貽我來牟帝
命率育無此彊爾界陳常于時夏

立成也來小麥牟大麥瑞玉曰帝謂堯也言我思有

文德之后稷能配彼天其德成立我眾民民德之中
莫非爾中也稷降播種尤重於麥貽我來牟實由帝
堯命爲農師令徧育民人其德廣遠無彼此疆界之
限以陳布常道於中國

思文一章八句

思文序云后稷配天也瑞玉曰人勞思善逸則
思淫后稷之道率天下而勞之所以善之也人
謂后稷降播種不知后稷教人倫也思文后稷
克配彼天周文公之頌也立我烝民莫匪爾極

堯康衡之歌也維其有之是以似之

嗟嗟臣工敬爾在公王釐爾成來咨來茹嗟嗟保介維
莫之春亦又何求如何新畬於皇來牟將受厥明明昭
上帝迄用康年命我眾人庤乃錢鏄奄觀銓艾

公公所也茹度也王祭先農畢戒羣臣言嗟嗟臣工
從王祭祀敬爾在公之事矣王賜爾以農事成法爾
當來咨謀商度之臣工不皆農官於事或不習故須
咨度瑞玉曰保介安大農事者也余曰介廬舍也安
息廬舍董農事者一云介副也農官之貳也田二歲

曰新三歲曰畜序具也錢鏃也鎛鎛也錘鎛也艾穫
也王旣徧戒臣工其保介專典農事故又嗟嗟戒之
言春初耕作今春莫矣亦又何求因問我新畜之田
如何乎答言於哉美大之來牟將熟而受明賜矣明
昭上帝及麥秋至用賜我豐年則當命甸徒具農器
同觀鉢刈而登麥也此皆保介之答辭余問錢宜耕
鎛宜耘與鉢艾不次瑞玉曰麥後便就其田種麻菽
故須具耕耨之器農家麥收最重故麥熟卽爲康年
詩人不及諸穀獨詠來牟其是與保介箋據月令以爲車右高誘呂氏

春秋注云
保介副也

臣工一章十五句

臣工何氏云耕藉也天子率羣臣躬耕帝藉祭
於先農而受釐因戒農官焉

噫嘻成王旣昭假爾率時農夫播厥百穀駿發爾私終
三十里亦服爾耕十千維耦

噫嘻歎聲發耕也康王旣卜郊言噫嘻成王神靈旣
昭假於爾使我得卜矣爾農官當率農夫播百穀上
欲富民而讓於下欲令民大發私田竟三十里人目

望見之地皆耕作之萬夫爲耦人眾力齊趨時也瑞
玉問發爾私服爾耕文何以別亦者亦誰余曰君固
先私民應急公三十里之地不獨趨治公田亦皆服
耕於爾私田無曠土閒民傳云終三十里言各極其
望也王肅云三十里天地合所之而三
十則天下編

噫嘻一章八句

噫嘻序云春夏祿穀於上帝也徐氏云卜郊也
古者一歲再郊冬至之郊不卜孟春之郊則卜
之春秋書卜郊皆祿穀也孔子云天子卜郊受

命於祖廟作龜於禡宮康王將祈穀卜於成王
廟傷先王之不見也噫嘻歎恨之啓蟄而郊郊
而後耕故卽廟中戒農官焉

振鷺于飛于彼西雖我客戾止亦有斯容在彼無惡在此無斁庶幾夙夜以永終譽

振羣飛貌雔澤也辟雔在國西郊故稱西雔言振鷺
往飛在彼西雔之水甚修潔我客殷人尙白其來儀
容潔白亦似鷺然又言客在彼國無怨惡之者其來
在此無厭斁之者旣有譽矣又當夙夜勤勉以長終

其譽美而箴之

振鷺一章八句

振鷺序云二王之後來助祭也二國未必同時
竝至經言我客則未知其杞也宋也觀振鷺起
興與有客白馬相涉蓋亦殷客與

豐年多黍多稌亦有高廩萬億及秭爲酒爲醴蒸畀祖
妣以洽百禮降福孔皆

稌稻也黍稻皆多高下俱熟也廩藏米者也數萬至
萬曰億數億至億曰秭言年豐穀多不獨倉庾盈滿

卽藏米之廩亦高大數又至多可爲酒醴造祖妣祭
祀以會百禮是皆神之所覘其降福甚徧矣故今美
報焉

豐年一章七句

豐年序云秋冬報也秋祀方社冬祀八蜡所以
報答神功順成之方其蜡乃通故豐年稱焉云篆

謂蒸也嘗也按先儒或云秋冬大饗明堂然經有祖妣恐非可施之明堂爾

有瞽有瞽在周之庭設業設虞崇牙樹羽應田縣鼓鼙
磬柷圉旣備乃奏簫管備舉喤喤厥聲肅雔和鳴先祖

是聽我客戾止永觀厥成

再言有瞽非一人也崇牙業上齒也樹羽植五采羽其上謂之璧翫周制也應小鼓曰大鼓縣鼓周鼓也鼙小鼓也磬石也柷控也圉楬也旣備謂畢懸也簫編竹爲之管併兩吹之成樂之一終也言眾瞽皆在周庭其堂下之樂器設懸旣備乃皆奏之簫管之細又亦備舉眾音繁會厥聲喤喤然肅敬雖和本於人心而形於音樂又和其聲以鳴樂貴和也先祖聽之我客觀之永見其成焉瑞玉問合樂何以無舞余曰

崇牙疑干上飾卽干舞也樹羽翟羽卽羽舞也舞之
節與鼓應故曰應田縣鼓經文似有此意但先儒不
言無文以明之

有瞽一章十三句

有瞽序云始作樂而合乎祖也王者功成作樂
合諸樂器於大祖之廟奏之告神以知和否詩
人述其事而歌焉特告大祖不因祭祀故不告

餘廟

猗與漆沮潛有多魚有鱣有鮒鱠鰐鯉以享以祀以

介景福

猗與歎美辭潛深藏也冬魚畏寒性定而肥鮪王鮪也鱸鮪屬鱠白條也鱠鱉屬鰕鯉屬言美哉漆沮之水潛於中者有此多魚取以薦新介景福焉魚微物也生之有地取之有時獻之有節而可以羞鬼神繁福祉況其他乎

潛一章六句

潛冬薦魚也古者大寒降水虞於是講眾蓄取名魚薦之寢廟瑞玉曰經言潛有多魚魚冬乃

潛序云春獻鮪誤矣

有來雔雔至止肅肅相維辟公天子穆穆於薦廣牡相予肆祀假哉皇考綏予孝子宣哲維人文武維后燕及皇天克昌厥後綏我眉壽介以繁祉旣右烈考亦右文母

於歎辭又讀如字皇考武王也瑞玉曰言有雔雔然來肅肅然至者乃助祭辟公也天子於是穆穆其容薦其大牲辟公助陳祭祀之饌得天下懼心事先王大哉皇考其安我孝子也余曰宣通也烈考文王也

文母大姒也瑞玉曰言肅離辟公實皆通達之人由文王武王爲君譽髦之澤所留也文武受命旣安皇天又能昌大後人安我秀眉之壽助以繁多之福此皆武王之賜實文王大姒之澤故今皆尊而事之

離一章十六句

離序云禘大祖也瑞玉曰吉禘也成王四年春吉禘於武王祭而受釐歌以徹焉箋云禘大祭也大於四時

而小於
祿未詳

載見辟王曰求厥章龍旂陽陽和鈴央央偉聲有鶴休

有烈光率見昭考以孝以享以介眉壽永言保之思皇
多祐烈文辟公綏以多福俾緝熙于純嘏

和在式前鈴在旂上鶴金飾貌瑞玉曰條革金環聲
如鶴也言成王除喪諸侯始來見謂求典章其車旂
服物甚盛美哉有顯光於朝廷旣行朝禮王乃率之
見昭考武王以展孝思以陳享獻以介壽考王當長
言保此美大之多福又言諸侯助祭得禮神亦安以
多福使繼續光明永膺於純嘏瑞玉曰純束也謂獲
福之固

載見一章十四句

載見序云諸侯始見乎武王廟也成王既免喪
朝諸侯率以祀武王受釐陳戒焉

有客有客亦白其馬有萋有且敦琢其旅有客宿宿有
客信信言授之紩以紩其馬薄言追之左右綏之旣有
淫威降福孔夷

再言有客重之也亦亦車服也殷尚白不獨車服白
馬亦白也萋文貌且說文云薦也敦與雕通旅陳也
有萋有且謂薦束帛敦琢其旅謂加璧言微子來賓

用先王之禮陳庭實之儀著其象賢也一宿曰宿有客宿宿兩宿也再宿曰信有客信信四宿也綏登車索也淫大也夷大也言周人愛敬微子旣信宿仍欲繫其馬畱之旣去矣又追餞之王命左右授綏以寵異之旣有此大等威則知來見廟時神降之福亦甚大也瑞玉曰淫邪也言昔武庚淫虐天旣降威罰今微子賢天亦降大福

有客一章十二句

有客序云微子來見祖廟也成王命微子代殷

後旣受命來朝見於廟之詩

於皇武王無競維烈允文文王克開厥後嗣武受之勝
殷遏劉耆定爾功

劉殺也耆老也歎美言大哉武王其克商功烈天下
莫彊原其初由有文德之文王克開之武王繼受之
勝殷止殺年老乃定汝之功武王末受命瑞玉問遏
劉古注未安余曰武王伐殷取殘而已不妄殺人故
曰止戈爲武

武一章七句

武序云奏大武也周公象武王之功令堂上歌之爲舞節春秋傳楚子云武王克商作武其卒章曰耆定爾功名爲卒章則未知首章何篇也孔疏云頌皆一章言卒章者謂終章之句也其三曰鋪時繹思我徂維求定其六曰綏萬邦屢豐年所云三六之數與今篇次皆不合杜注云蓋楚樂歌之次第

閔予小子遭家不造嬛嬛在疚於乎皇考永世克孝念茲皇祖陟降庭止維予小子夙夜敬止於乎皇王繼序

思不忘

嬃石經作斂皇王武王也成王言痛予小子道家未成而居憂嬃嬃然在哀病中歎念皇考武王終身能不忘孝思念皇祖如見其陟降庭中也瑞玉曰言武王思念文王不敢安息常徘徊步庭中予小子夙夜過其前未嘗不見敬因歎皇王之孝如此故今我思繼序之

閔予小子一章十一句

閔予小子序云嗣王朝於廟也何氏云發端三

句似非免喪語非免喪亦不宜朝廟疑卒哭祔
祭之詩也

訪予落止率時昭考於乎悠哉朕未有艾將予就之繼
猶判渙維予小子未堪家多難紹庭上下陟降厥家休
矣皇考以保明其身

訪謀也落始也艾老也言謀我始政之事欲循昭考
所行又歎其道遠哉我未能老成羣臣扶我就之繼
猶恐其不合予小子爾未任家之多難憂懼不寧因
相繼上下於庭陟降於家仰慕皇考之休能以道保

安其身顯明其身我當如何率之瑞玉曰紹庭步履
相繼於庭

訪落一章十二句

訪落序云嗣王謀於廟也成王始卽政自以承
聖父之業懼不能循其道德因朝廟畢與羣臣
謀之

敬之敬之天維顯思命不易哉無曰高高在上陟降厥
士日監在茲維予小子不聰敬止日就月將學有緝熙
子光明佛時仔肩示我顯德行

士事也佛弼通仔肩任也言敬之敬之天道顯明其命不易可保無得曰天高遠常若陟降於人所爲之事無日不監視之可不敬乎又言予小子不聰雖知當敬不明所以敬庶幾日月之間就將於學繼續明德之功以至於光明而又病未能也爾諸臣其弼予負荷示我顯然之德當遵行者

敬之一章十二句

敬之瑞玉曰嗣王自戒也旣述天監之不遠敬之之不可忘又懼學未至而求助於羣臣

予其懲而忘後患莫予荓蜂自求辛螫肇允彼桃蟲荓
飛維鳥未堪家多難予又集于蓼

荓使也桃蟲鷄也荓飛貌鳥大鳥也鷄鶡生鵠蓼辛
菜也成王言予今其有所懲創而慎後患矣莫復使
蜂而求蟻始信桃蟲之維鳥我以渺渺之身本未任
家之多難況又可集於辛苦之地

小毖一章八句

小毖序云嗣王求助也成王信管蔡而不知蜂
蠆之有毒忽武庚而不知鷄鶡之維鳥聖人無

懲而知戒賢者因患以知懲瑞玉曰小者猶毖
況大者乎經皆言毖小之事故以名篇

載芟載柞其耕澤澤千耦其耘徂隰徂畛侯主侯伯侯
亞侯旅侯彊侯以有資其饁思媚其婦有依其士有略
其耜俶載南畝播厥百穀實函斯活驛驛其達有厭其
傑厭厭其苗絲絲其庶載穫濟濟有實其積萬億及秭
爲酒爲醴蒸畀祖妣以洽百禮有飴其香邦家之光有
椒其馨胡考之寧匪且有且匪今斯今振古如茲
澤澤釋也瑞玉曰農及雪澤也余曰耘去陳根也旣

耕反土之後草木根株有不盡者則復耘之隰水道
也畛田畔也主家長也伯長子也亞仲叔也旅眾子
弟也彊助力也以傭賃也言始芟柞草木除然後土
氣解釋雪澤可耕也既耕又耘之盡去陳根輩作者
千耦言趨時也治田畢又修水道田畔或往之隰或
往之畛又言耘夫輩作維主伯亞旅彊以皆在有婦
人來餚呼之食其聲貲然思媚其夫者婦也有依其
婦者士也士傳云子弟也於是略有然利者以此耜
始從事南畝而耕焉實種子也函生意含也活始生

根也瑞玉曰驛驛疾貌謂怒苗也達出土也余曰厭得氣足也傑苗兄也厭厭受形足也濟濟箋云穗眾難進也胡壽也且者祖也祖之言始也振舉也言穀旣播乃生根驛驛出土其傑特之苗與眾齊等之苗皆厭然茂盛苗生而耘又絲絲然詳密不鹵莽也至於穫之積之收成眾多旣爲酒醴進祖妣又以會燕饗之禮其饌飴香賓客歡欣爲邦家光美其酒椒馨扶養衰老致壽考安寧此因年豐而實其用也然豐稔之慶惟神相之匪祖乎有祖也匪今日斯祖之蓋

自古如此爾故我今祀而祈之

載芟一章三十一句

載芟春祈田祖也瑞玉問何知不如序言春祈
社稷余曰匪且有且且者祖也田祖始爲田有
功於人廣陳田事以祈之載芟祈於春故治田
之事詳良耜報於秋故納稼之事備載芟良耜
一體之詩春祈田祖亦祈社稷秋報社稷亦報

田祖

爰爰良耜俶載南畝播厥百穀實函斯活或來瞻女載

筐及筥其饗伊黍其笠伊糾其鏹斯趙以薅荼蓼荼蓼
朽止黍稷茂止穫之搘搘積之栗栗其崇如墉其比如
櫛以開百室百室盈止婦子寧止殺時犧牡有揅其角
以似以續續古之人

爰爰猶測測或來瞻女餉之也欲省視相勞苦故曰
瞻爾筐筥餉具也饗黍豐年食也糾輕舉貌趙刺也
薅拔去也荼蓼皆穢草水陸異名也草朽則苗疏土
肥故禾茂也搘搘穫聲也栗栗堅實也瑞玉曰如墉
積高也如櫛積密也余曰百室邑之眾室也方春出

田邑室皆閉收穫畢自野入邑則百室開也挾角貌
社稷之牛角尺言歲云秋矣追思春初農人以利善
之耜耕而播之耘而饁之穫而藏之百室皆滿婦子
無饑饁之勞皆安甯矣然此皆神貺也天子社稷大
牢故用牲牷報之以興來歲繼往歲古之人皆如此
故我今日續行之必言續古人者君子有善不自功
古曰在昔昔曰先民案其笠伊糾農人戴破笠有繩
聯綴之故曰糾

良耜一章二十三句

良耜序云秋報社稷也社土神也稷者土之細也太平之時年穀豐熟以爲由社稷之所祐秋物旣成因美報焉爾

絲衣其紝載弁俅俅自堂徂基自羊徂牛鼐鼎及鼒兕觥其觶旨酒思柔不吳不敖胡考之休

絲衣爵弁士服也紝潔貌載戴也俅俅恭順貌基門塾之基也鼐大鼎鼒小鼎吳譁也敖傲也言絲衣載弁之士恭順執事繹禮輕故使士也自門堂降往於基告濯具又從羊至牛告充肥已乃舉鼎幕告潔此

言祭之初也祭而飲酒兕觥觶然剛旨酒思其柔不
謹謹不傲慢恭敬可以受福以此得壽考之休徵此
言祭之末也

絲衣一章九句

絲衣序云繹賓戶也祭之明日爲祔乎外廟門
外之西室也又繹於其堂所以賓戶祔一祭也
繹一祭也以其言繹則可以統之繹一事也賓
戶一事也以其不言賓戶則無以明之高子云
靈星之戶也龍星左角曰天田天田者農祥也

農祥晨正而祭之可以田也或云祈蠶也天子
季春薦鞠衣先帝靈星者龍星蠶爲龍精尸以
象之蠶爲絲故衣絲爾

於鑠王師遵養時晦時純熙矣是用大介我龍受之蹻
蹻王之造載用有嗣實維爾公允師

鑠盛也養如時有養日之養晦昧也介助也龍寵也
蹻蹻武貌造至也公大公師尚父也言於乎盛哉我
武王之師陳於商郊其時雨甚冥晦武王循養而俟
之甲子昧爽雨止而時大清明矣是天命大助我使

我寵受之武王於是躋躋然造於紂都其時則有率眾繼嗣之者實維爾鷹揚之大公允爲大師者佐成之記云發揚蹈厲大公之志也

酌一章八句

酌序云告成大武也以樂記準之蓋再成滅商之樂歌也天之所助者順人之所助者信武王不汲汲戎殷時止而止時行而行酌天人之道而用之故篇名酌酌亦作酌亦作勺漢禮樂志言周公作勺其字皆單作勺綏萬邦屢豐年天命匪解桓桓武王保有厥士子以四

方克定厥家於昭于天皇以聞之

桓桓武貌閒代也言周旣克商萬邦久安陰陽和而屢獲豐年可見天命之不懈懲也此由桓桓武王保有同德同心之士往以宣力四方安定國家於哉其功德上昭於天故命之爲君以代商

桓一章九句

桓武功成也以樂記準之蓋四成南國是疆之樂歌也疆理天下年穀豐熟春秋傳楚子云夫武禁暴戢兵保大定功安民和眾豐財者也其

六曰綏萬邦慶豐年朱子云序以爲講武類禡

豈後世取其義而用於其事與

案如楚子言則六章俱名武矣

又其次序與今詩異
倘亦師移其第歟

文王旣勤止我應受之敷時繹思我徂維求定時周之命於繹思

應當也繹繼也言文王勤勞天下至矣我當而受之敷布是賚於天下令人繹思之知我自今以往維求安定是乃周之新命諸臣皆當繹思之牟氏曰我我受賚者也思語辭也文王旣嘉我之勤我等當受此

賚也頒布是賚將常繼賚之我等旣受賚惟往求定此周家之命美哉將常繼賚之也

賚一章六句

賚序云大封於廟也以樂記準之蓋五成分周公左召公右之樂歌也武王歸自伐商大封功臣爲諸侯命於文王廟陳文王之德戒之賚予也周有大賚富善人也故篇命賚

於皇時周陟其高山瞻山喬嶽允猶翕河敷天之下袁時之對時周之命

墮山之墮墮者猶道也翕合也言於乎大哉是周之王也因巡守升其高山祭之望見小山及喬嶽於是信道於合流之小水獨流之大河徧天之下所至諸侯皆聚而朝之以答其意是乃周之新命也武王謂周公我南望三塗北望嶽鄙顧瞻有河粵瞻伊洛母遠天室營周居於洛邑而後去

般一章七句

般序云巡守而祀四嶽河海也以樂記準之蓋六成復綴以崇天子之樂歌也武王旣定天下

巡行殷國朝於方岳軫於鬼神所謂崇天子也
般旋也游也故篇名般

周頌三十一篇

魯頌

駉駉牡馬在坰之野薄言駉者有驥有皇有驪有黃以
車彭彭思無疆思馬斯臧

駉駉腹幹肥張也坰遠野也牧於遠野避民居與良
田也驪馬白跨曰驕黃白曰皇純黑曰驅黃辟曰黃
言駉駉牡馬貴用也特言牡明不牡者尙多也薄言

駢者問辭也特言駢明不駢者尙多也有驕有皇以下答辭也禮問國君之富數馬以對也言馬毛色美備用以駕車彭彭然盛壯所以致此多馬者由魯公思慮廣遠無疆境之限是以思及馬而馬斯臧傳云諸侯六閑馬四種有良馬戎馬田馬駿馬疏云首章言良馬也朝祀所乘故云彭彭見其有力有容愚謂臧者德之善也案有驕有皇有驕有黃驕純赤色皇純白色驕純黑色黃純黃色

駢
駢牡馬在坰之野薄言駢者有駢有駢有駢有駢以

車伾伾思無期思馬斯才

蒼白雜毛曰駢黃白雜毛曰駢赤黃曰駢青黑曰駢
伾伾有力也此言戎馬故貴多力無期思之久也才
材力之善也吉事尚德軍事尚才

駢駢牡馬在坰之野薄言駢者有驥有駘有騫有雔以
車繹繹思無斁思馬斯作

青驪白鱗曰驪白馬黑鬣曰駘赤身黑鬣曰駢黑身
白鬣曰雔瑞玉曰爾雅無雔先儒疑駢字之譌爾雅
駢白駮也繹繹善走也此言田馬田獵尚疾故貴善

走無斁思不厭也作奮起也易云震爲作足
駉駉牡馬在坰之野薄言駉者有駉有駢有駜有魚以
車祛祛思無邪思馬斯徂

陰白雜毛曰駟形白雜毛曰駢豪骯白曰驃二目白
曰魚瑞玉曰爾雅無驥說文云骯骧也魚馬之不善
者也故序最在後祛祛彊健也此言駑馬主給官役
故貴彊健無邪思之正也思不旁出則正徂行也可
駕以走行

駉四章章八句

駢魯公考牧祭馬神也伯禽封魯三年而報開
業之君意思深遠有精詳之畫有經久之謀農
桑禮教民物殷阜焉瑞玉曰知牧馬則知牧人
矣說文云駢牧馬苑也故篇名駢

有駢有駢駢彼乘黃夙夜在公在公明明振振鷺鷺于
下鼓咽咽醉言舞于胥樂兮

駢馬肥彊貌重言有駢非一駢也在公在學也明明
禮文辨治也泮宮有水鷺集焉子下翔集以興舞也
言諸臣乘有駢乘黃早夜之間來在公所候君行禮

著勤敬也君至導君行禮在公明明然已而飲酒奏樂如羣鶩下集狀舞容也至無算爵則又舞以盡歡於是君臣皆相喜樂瑞玉曰鶩于下醉言舞一節事爾鼓咽咽者舞必有鼓節之宛邱云值其鶩羽發首先言坎其擊鼓

有駪有駪駪彼乘牡夙夜在公在公飲酒振振鶩鶩于飛鼓咽咽醉言歸于胥樂兮

乘牡四馬皆牡也飲酒飲烝也于飛將去以興歸也醉而歸禮也

有駟有駟駟彼乘駟夙夜在公在公載燕自今以始歲
其有君子有穀詒孫子于胥樂兮

青驪曰駟載燕養老之禮以燕禮也穀祿也燕旣成
禮臣飽君賜因設辭慶之言自今爲始歲歲皆有年
君子有祿遺子孫年豐人樂君臣歲歲相燕會樂當
如何

有駟三章章九句

有駟蜡而飲酒也孟冬蜡祭勞農畢飲酒於學
養老焉親親而尚齒魯公之教也樊穆仲云魯

侯肅恭明神而敬事考老是其遺教遠矣何氏
云大飲烝也十月農事畢諸侯與羣臣飲酒於
大學曰大飲烝

思樂泮水薄采其芹魯侯戾止言觀其旂其旂蔑蔑
聲噭噭無小無大從公于邁

芹水菜也瑞玉曰采之者將釋菜於先師余曰言思
可樂者泮水也魯公建學興賢於其來視學之時旂
旂雍容國之俊選小大皆從公而來喜其教無類
思樂泮水薄采其藻魯侯戾止其馬蹠蹠其馬蹠蹠其

音昭昭載色載笑匪怒伊教

藻文草也言魯侯旣至講學行禮其教人之音聲昭
昭明晰載色溫其容載笑和其聲不用疾怒從容教
之言其善育人材

思樂泮水薄采其茆魯侯戾止在泮飲酒旣飲旨酒永
錫難老順彼長道屈此羣醜

茆虧葵也難老不能者也長道大路也言魯侯視學
遂徵先生君子行養老飲酒之禮旣飲美酒願天長
賜以不老祝其壽也飲酒之後與老者定謀將順大

道而伐淮夷屈服其羣眾禮將出征受成於學
穆穆魯侯敬明其德敬慎威儀維民之則允文允武昭
假烈祖靡有不孝自求伊祐

允文興學也允武伐淮也烈祖文王也言魯侯明德
慎儀維民法則既信文又信武昭假於烈祖之廟靡
有不孝以求出師多有福此言受命於祖

明明魯侯克明其德既作泮宮淮夷攸服矯矯虎臣在
泮獻馘淑問如皋陶在泮獻囚

明明德之察也言魯侯以明德興教化不以兵威故

作泮宮而淮夷服其不服者誠之則有矯矯如虎之
臣已服者囚之則有善訊如皋陶之吏必獻於泮者
告成於學

濟濟多士克廣德心桓桓于征狄彼東南烝烝皇皇不
吳不揚不告于誥在泮獻功

狄遠也訟訟也言魯侯征淮夷將帥之臣濟濟美盛
能推廣君德意其往征但逖遠之於東南勿令及境
而已濟濟先文也桓桓後武也雖烝烝其眾皇皇其
大未嘗有譖諱輕揚以爭訟相告於理者皆來獻功

言師克而和也

角弓其觨束矢其搜戎車孔博徒御無斁旣克淮夷孔
淑不逆式固爾猶淮夷卒獲

觨弛貌五十矢爲束搜矢眾聲言克淮夷歸角弓不
張束矢不用戎車甚博無折壞也徒御不斁無懈倦
也淮夷從化於是甚善無違逆者此因在學能審固
謀猶是以淮夷終爲我得

翩彼飛鴟集于泮林食我桑臞懷我好音憬彼淮夷來
獻其琛元龜象齒大賂南金

琛寶也龜尺二寸曰大駱賂遺也南金三品也言桑
蠶甘香鵠鴟革響泮林德教頑惡從風是以淮夷憚
悟獻琛輸誠也余問琛卽是賂經何別言瑞玉曰琛
蠶珠之屬淮地所生故言其琛大駱象齒金皆莉揚
之產遠而難得故珍之曰大賂

泮水八章章八句

泮水魯公興學也伯禽始封肇建學宮或云魯
有四學其一泮宮也學之興所以育人材養更
老飲酒行禮之地至於出兵受成釋奠獻功亦

於斯焉東郊不開淮戎竝興伯禽討之作費誓
魯人追頌焉

閟宮有恤實賓枚枚赫赫姜嫄其德不回上帝是依無
災無害彌月不遲是生后稷降之百福黍稷重穆種穉
菽麥奄有下國俾民稼穡有稷有黍有稻有秬奄有下
土纘禹之緒

閟宮孟仲子云謀宮也恤清靜也實賓固貌枚枚
碧密也上帝是依德當於天也降之百福使有智慧
也先種曰植後種曰穉瑞玉問重穆种植分配四穀

有義否余曰互文爾又稷先種後熟黍後種先熟故
言重稷麥刈乃種菽菽田又種麥故言稙稊與奄有
下國封於邵也奄有下土降嘉種於天下也禹平水
土稷乃教稼故云繼禹之緒

按閔傳訓爲閔羹云神也傳義爲長

后稷之孫實維大王居岐之陽實始翦商至于文武繼
大王之緒致天之届于牧之野無貳無虞上帝臨文敦
商之旅克咸厥功王曰叔父建爾元子俾侯于魯大啓
爾宇爲周室輔

翦斷也升菴楊氏云古本作馘商訓福字義敦治也

瑞玉曰攻治其師旅所以克也咸同也周公同有其功王成王也箋云后稷大王文王亦周公之祖考也伐紂周公又與焉故述之以美大魯

乃命魯公俾侯于東錫之山川土田附庸周公之孫莊公之子龍旣承祀六轡耳耳春秋匪解享祀不忒皇皇后帝皇祖后稷享以駢犧是饗是宜降福旣多周公皇祖亦其福矣

旣告周公以封伯禽之意乃策命之使侯於東賜之山川土田及附庸小國也莊公之子謂僖公也耳耳

柔從也瑞玉曰四馬八轡繫其內服之轡餘六轡在
馬兩耳旁故曰耳耳也春秋猶言四時也后帝上帝
也魯以孟春祈穀郊祀上帝配以后稷牲用駢犧魯
之僭郊始僖公也瑞玉曰皇祖伯禽也周公之下復
言皇祖則非后稷也伯禽始封之祖故皇之下文白
牡駢剛卽蒙周公皇祖之文爾○案皇祖后稷繫以
后稷者爲周公又稱皇祖故周公皇祖冠以周公者
不使皇祖之稱疑於后稷

秋而載嘗夏而福衡白牡駢剛犧尊將將毛魚戴羹籩

豆大房萬舞洋洋孝孫有慶俾爾熾而昌俾爾壽而臧
保彼東方魯邦是常不虧不崩不震不騰三壽作朋如
岡如陵

福衡設橫木牛角止觸也秋始嘗而夏福衡夙戒也
白牡周公牲駢剛魯公牲犧尊牛形尊也毛魚豚去
毛魚之也哉切肉也羹大羹銅羹也大房半體之俎
周俎也洋洋眾多也不虧不崩謂山也不震不騰謂
川也三壽三命也作朋者與三壽之人爲朋也如岡
如陵謂安固也自俾爾熾昌以下設爲慶孝孫之辭

朱子云遷豆大房下當脫一句

上壽百二十中壽百
年下壽八十年是謂三

命王伯厚云晉姜鼎銘云保其孫子三壽是利三壽蓋古語

公車千乘朱英綠縢二矛重弓公徒三萬貝胄朱綬烝徒增增戎狄是膺荊舒是懲則莫我敢承俾爾昌而熾俾爾壽而富黃髮台背壽胥與試俾爾昌而大俾爾耆而艾萬有千歲眉壽無有害

千乘大國之賦也朱英矛飾也縢繩也綠之以約弓重弓備折壞也三萬舉成數也車徒二者數不相當疏云公車千乘自謂計地出兵公徒三萬自謂鄉之

所出據司馬法千乘之地當三百一十六里有奇也
貝胄貝飾胄也朱綬以朱綫綴甲也蒸進也增增眾
也膺當也彼來寇而禦之懲艾也我往伐而創之承
止也總言戎狄荊舒莫我敢禦止之黃髮台背皆壽
徵壽胥與試謂有壽之人相與講試氣力老而不衰
也耆艾皆老壽也瑞玉曰艾養也治也謂攸好德也
眉壽無害謂康甯也魯時襄弱美僖公用兵設辭
重慶之

泰山巖巖魯邦所詹奄有龜蒙遂荒大東至于海邦淮

夷來同莫不率從魯侯之功

泰山魯望也詹至也一作瞻龜蒙皆山也荒奄也奄同也大東極東也來同同盟也僖公十六年冬會諸侯於淮地淮夷亦與焉經云淮夷來同莫不率從其是與

保有鬼繹遂荒徐宅至于海邦淮夷蠻貊及彼南夷莫不率從莫敢不諾魯侯是若

鬼繹皆山也徐宅徐國所居蠻貊東夷也南夷南蠻也諾應辭也余問經言至于海邦有二何以爲別瑞

玉曰上言遂荒大東是謂海邦在東者下言遂荒徐
宅則謂海邦在南者

天錫公純嘏眉壽保魯居常與許復周公之字魯侯燕
喜令妻壽母宜大夫庶士邦國是有既多受祉黃髮兒
齒

常邑名管子云常潛是也許許許田也常許皆失而復
得故曰復周公之字令妻聲姜也壽母成風也宜大
夫庶士正百官也有常有也瑞玉曰魯自慶父亂後
邦國幾不有矣僖公始有之爾兒齒齒落更生細者

亦壽徵

管子小匡篇桓公曰吾欲南伐何主管仲對曰以魯爲主反其侵地常潛是也○案鄭箋

云常或作嘗在僻之旁爲孟嘗君食邑此說是也史記越世家顧齊之試兵南陽莒地以聚常鄰之境索隱曰常邑名蓋田文所封者說與鄭箋合而漢地理志辭縣屬魯國史記孟嘗君傳正義曰辭故城在徐州滕縣南四十四里是知常卽嘗也在春秋屬魯至戰國屬齊耳

徂來之松新甫之柏是斷是度是尋是尺松桷有鳥路寢孔碩新廟奕奕奚斯所作孔曼且碩萬民是若

徂來新甫皆山也八尺曰尋桷榱也鳥大貌瑞玉曰鳥與鴟同謂柱礎也上桷下鳥所以成宮室也路寢正寢也修舊曰新新廟卽閟宮也奕奕美大也奚斯

公子魚也曼長也萬民是若謂國人順之

閟宮九章五章章十七句朱子云內第
四章脫一句二章章八

句二章章十句

閟宮頌僖公也史克作之公以大臣援立務農

閔雨國家久安作新宮廟內修祭祀外佐齊桓

伐楚平淮徐復境土而修封疆然位列東藩膾

於郊祀自僖公始孔子云魯之郊禘非禮也周

公其衰矣

按史克作頌美僖公疑止此篇其前
三篇蓋皆追頌先君爾○案鄭氏曰

襄公時季孫行父請命於周而史克作之然春秋列國卿大夫賦詩無及此四篇者見日知錄

魯頌四篇

商頌

猗與那與置我鼙鼓奏鼓簡簡行我烈祖湯孫奏假綏
我思成鼙鼓淵淵嗟管聲旣和且平依我磬聲於赫
湯孫穆穆厥聲庸鼓有斂萬舞有奕我有嘉客亦不夷
懌自古在昔先民有作溫恭朝夕執事有恪顧予烝嘗
湯孫之將

猗盛也那多也置陳也鼙以兆鼓鼓以起樂商人尙
聲故樂詳焉烈祖湯也湯孫大甲以下也假大也思

成神以思成也磬清烈也管堂下之樂與鼓相應
也聲應相保曰和細大不喻曰平磬玉磬也堂上之
樂依磬爲節也大鐘曰肅戰閒也先民亦謂湯也朝
夕者祭之前夕省器具至朝行禮也言祀成湯之樂
盛矣多矣宿懸而置之將祭而奏之以樂我功烈之
祖湯孫奏大濩樂安我以所思而成之謂神來格也
此迎神之樂神旣降又奏其堂下鼙鼓管聲與堂上
磬聲相依皆和且平焉於是湯孫容貌赫然顯盛其
聲音穆穆然靜肅此正祭之樂祭事將終鐘鼓間作

萬舞美大不獨神喜之我有嘉客助祭者亦不和平
悅懌乎此祭末之樂禮終樂闋又總序一篇之意言
自古在昔之時先人成湯興起在位其祭之先朝夕
溫恭當祭之時執事恪謹今其顧念子烝嘗乎是乃
湯孫奉先聖王之傳恭而行者也此樂之亂辭

那一章二十二句

那序云祀成湯也閔馬父云昔正考父校商之
名頌十二篇於周大師以那爲首其輯之亂曰
自古在昔先民有作溫恭朝夕執事有恪正考

父孔子之先事宋戴公當周宣王時

嗟嗟烈祖有秩斯祐申錫無疆及爾斯所旣載清酤饗我思成亦有和羹旣戒旣平鬷假無言時靡有爭綏我眉壽黃耇無疆約軛錯衡八鸞鵠鵠以假以享我受命溥將自天降康豐年穰穰來假來饗降福無疆顧予烝嘗湯孫之將

秩說文云積也爾爾主祭者也所祭所也酤一宿酒也和羹鉶羹也戒定也定猶熟也平均調也鬷眾也假大也言嗟嗟乎烈祖成湯有厚積之福申錫無窮

故今施及爾之此所商尙質故祭以酌既載清酌於
尊神靈來格賜我以思成亦有和調之羹既戒既平
神又歆饗之也裸酒薦羹之時眾大肅靜無言無爭
神靈用是安我以壽考無疆然商俗尙鬼故言神靈
來降約軛錯衡如見其車八鸞鶴鶴如聞其聲神至
因以美大其禮因以歆享其祭又爲嘏辭命之我受
此命廣矣大矣其命辭云天降康年多栗穰穰年豐
人樂則神來假來饗降福愈無疆也其亂辭云神非
其類不歆今其顧念予烝嘗乎是乃湯孫之所奉也

瑞玉問約輶錯衡古注以爲諸侯助祭者余曰楚辭九歌降神每言車旗亦此類按說文引詩云積之秩
秩蓋秩積古字通也獻作奏

烈祖一章二十二句

烈祖祀成湯也那主獻神故極樂音之奏烈祖
主祝嘏故多福祿之辭那與烈祖一體之詩瑞
玉曰序云祀中宗也有中興之功故稱烈祖祭
者中宗子孫稱湯孫者以湯王業所起故本言
之

天命玄鳥降而生商宅殷土茫茫古帝命武湯正域彼
四方方命厥后奄有九有商之先后受命不殆在武丁
孫子武丁孫子武王廟不勝龍旂十乘大轡是承邦畿
千里維民所止肇域彼四海四海來假來假祈祈景冒
維河殷受命咸宜百祿是何

元鳥胤也春分至高辛氏之妃娀簡狄以元鳥至之
日祈於郊禝而生契封於商神之故曰元鳥降生商
也帝亦天也正長也后先后也武王謂湯也龍旂戎
車所建也十乘賓車也言契始生由天命元鳥之祥

及六世孫振遷於殷振子微能帥契居殷土日廣大
茫茫然微六世孫曰湯有武德天帝命爲君長使治
疆域於四方自湯以後多賢君天亦以四方命爲君
后使奄有九州盤庚以降殷復衰諸侯或不朝能令
商之先后受天命不危殆者在武丁之爲孫子也武
丁高宗名在廟中故不諱又商尚質故也對祖宗故
稱孫子又言武丁之爲孫子也於武王之事無所不
勝其伐叛國有龍旂十乘以先啓行不極兵威在軍
饋餉大精是承無乏絕易云高宗伐鬼方三年有賞

于大國是也於是宅中馭外王畿千里維民所居止
前日殷道衰天下疆域或不正今始治之外薄四海

矣武丁朝諸侯四海皆大來祈祈然據形勝以臨天
下景山四周皆維大河是以由湯至武丁殷之受命

咸宜居此荷天祿也

員周也景員維河復從先王居也商自契至湯凡八遷湯始居

毫嚴華谷云武丁至庚丁八世皆居毫此時所言河正指毫也毫有三蒙爲北毫穀熟爲南毫偃師爲西毫湯自南毫遷西毫盤庚所遷卽西毫偃師是也

玄鳥一章二十二句

玄鳥序云祀高宗也箋云祀當爲祫祫合也高

宗始合祭於契之廟歌是詩焉古者君喪三年既畢禘於其廟而後祫祭於大祖明年春禘於羣廟自此之後五年而載殷祭一禘一祫春秋謂之大事愚謂康成定此詩爲祫當是其論祫祫疏數古者以下皆據魯禮而言魯禘非禮不足以據其春秋謂之大事者是祫非禘也又康成以大禘爲郊祭天詳具長發箋中亦非禘義也濬哲維商長發其祥洪水茫茫禹敷下土方外大國是疆幅隕既長有娀方將帝立子生商

方四方也外大國遠諸侯也將大也言深明昭穆之事者維商推所自出久已發其禎祥蓋始於帝嚳故今禘及之也又言契興當洪水茫茫之時禹敷土正四方外之大國亦弼成之定其疆理瑞玉曰人之正德如布帛之有幅也限墻也當洪水平百姓不親如邊幅隕墜既久長矣唯有娀簡狄方大其德其子能布五教故帝舜立其子於商爲始祖焉

玄王桓撥受小國是達受大國是達率履不越遂視旣發相土烈烈海外有截

元王契也國語云元王勤商十四世而興也桓大也
撥治也履禮也相土契孫也春秋傳云閼伯居商邱
相土因之是也言元王爲司徒大治其民人小國大
國皆受而教之使通達其身循禮不踰越遂視其民
教令則盡行矣傳至相土威德烈烈然先顯化行海
外使之截然不侵不叛契後獨言相土盛其功也

帝命不違至于湯齊湯降不遲聖敬日躋昭假遲遲上
帝是祇帝命式于九圍

齊會也言相土以後皆能保世帝命不違去之至於

湯而德與命會湯之下士尊賢甚疾不遲其聖敬之
德日進而升明格於天遲遲然下賢則急革命則緩
凜然惟上帝是敬是以帝命爲天子制法於九州
受小球大球爲下國綴旒何天之休不競不綵不剛不
柔敷政優優百祿是遺

珠玉也綴屬也旒旗之垂者也綵緩也毛傳說文並作綵急也當是言湯受小國大國所贊之玉會同諸侯爲所繫屬
如旗之繆爲旒所綴著然以此荷天之休美其德至
中不失急不失緩不過剛不過柔布政優優然寬裕

則人心和而百祿聚此言湯之文德綴旒禮記作啜郵引齊魯韓詩

受小共大共爲下國駿厖何天之龍敷奏其勇不震不動不懸不竦百祿是總

共供通駿厖齊詩作駿驅謂馬也言受小國大國之正供雄長諸侯如爲之駿驅然以此荷天之榮寵布進其武勇不震驚不搖動不懸恐不竦懼則征伐行而百祿合此言湯之武功

武王載旆有虔秉鉞如火烈烈則莫我敢曷苞有三蘖

莫遠莫遠九有有桀韋顧旣伐昆吾夏桀

曷邇邇苞本也桀餘也韋顧昆吾三國黨惡是爲三
桀其本則桀也言湯載旆秉鉞恭行天罰其威烈如
火莫敢有遇我者於時一苞三桀勢孤力微莫能遂
其生達其惡九州截然歸商三國旣次第伐之并夏
桀而亡也案則莫我敢曷曷猶何也言誰何

昔在中葉有震且桀允也天子降于鄉士實維阿衡實
左右商王

葉世也阿衡伊尹官名天子商王皆謂大甲也君實

云在大甲時則有若保衡是也言昔在中世有震動
危懼謂嗣王顛覆典刑也及祖桐悔過信也天子之
尊降下其禮以予卿士尊爲阿衡實左右輔導商王
故今禘祭祀享焉伊尹先相湯不言者文省爾

長發七章一章八句四章章七句一章九句一章
六句

長發序云大禘也禘諦也審諦祖所自出及昭
穆尊卑之次合祭於大廟其禮大故曰大禘或
云殷禘有二以其別於時禘之小稱大也殷人

祐故首及發祥之遠羣廟皆升故中述相土
之烈功臣配享故卒美阿衡之勳當大甲時伊
尹尚存詩蓋作於沃丁以後

撻彼殷武奮伐荊楚采入其阻裒荆之旅有截其所湯
孫之緒

撻疾貌殷武殷王之武也采深也湯孫高宗也瑞玉
曰荆楚恃險難服故高宗定謀撻然疾速奮伐之乘
其不意深入其險阻及荆人裒聚其旅我兵已據險
截之令彼不能應援以是速服此乃湯孫神武不殺

之功業也

維女荊楚居國南鄉昔有成湯自彼氏羌莫敢不來享
莫敢不來王曰商是常

氐羌西戎國也貢獻曰享世見曰王此諭告荊楚之
辭也言維汝荊楚居近中國猶吾南鄉爾昔成湯之
世雖遠如氐羌猶莫敢不來朝貢曰商王是吾常君
爾汝何敢不然

天命多辟設都于禹之績歲事來辟勿予禍適稼稽匪

解

多辟諸侯也來辟來王也適謫通此諭告諸侯也言
上天命汝眾君建都邑於禹所治之地須恪守臣節
歲事來修朝貢勿干予之禍謫惟勸民稼穡無懈惰
則可爾按此句上下疑有脫文案考工記祭侯之祝詞曰維若寧侯母或
若汝不寧侯不屬于王所故抗而射女卽此意也

天命降監下民有嚴不僭不濫不敢怠遑命于下國封
建厥福

監三監也王制云大夫監於方伯之國國三人蓋商
制也瑞玉曰天命王官下監諸侯國其有嚴敬下民

賞不僭刑不濫不敢怠遑者則命于下國爲諸侯封建之以造其福降監稱天命者重其職也余曰此言考績之法案先王封建諸侯所以設監以監於方伯有命大夫此卽三監之遺也至秦廢封建而猶設御史監郡內重外輕睽孤無輔所以命不長也

商邑翼翼四方之極赫赫厥聲濯濯厥靈壽考且寧以保我後生
商邑王都也言高宗攘外安內京師爲天下根本於是治其都邑翼翼然爲四方之中正布其聲教赫赫然顯盛宣其威靈濯濯然光明享國五十有九年身

既壽考且康甯以保我後世子孫此言中興之烈爲立廟起也

陟彼景山松柏丸丸是斷是遷方斲是虞松桷有梴旅楹有閑寢成孔安

丸丸員直也挺橫木承桷者其形延長也旅陳也余問閑孔疏訓大瑞玉曰閑閑也上柱下礎礎所以閑楹也余曰言升景山案景山地見日知錄掄杼木取松柏員直者斬斷之遷徙之繩墨方正之斧斤斲削之工皆虔敬其事承桷有梴列楹有閑寢廟成則神安人亦安

高宗有功德當宗天下咸欲廟祀之案旅楹有閑閑如檻以隔內外也依極爲之

殷武六章三章章六句二章章七句一章五句

疑脫

一句當爲四章章六句二章章七句

殷武序云祀高宗也高宗服荆楚朝諸侯修政行德天下咸驩殷道復興子祖庚立嘉之立其廟號高宗廟成祔而祭之作是詩

商頌五篇